

## ЎЗБЕКИСТОН ПРЕЗИДЕНТИ АМАЛИЙ ТАШРИФ БИЛАН САУДИЯ АРАБИСТОНИДА БЎЛАДИ

Икки муқаддас масжид ходими — Саудия Арабистони Подшоҳи Салмон бин Абдулазиз Ол Сауднинг таклифига биноан Ўзбекистон Республикаси Президенти Шавкат Мирзиёев “Марказий Осиё — Кўрфаз араб давлатлари ҳамкорлик кенгаши” форматидаги биринчи саммитда иштирок этиш учун жорий йил 18-19 июль кунлари Жидда шаҳрида бўлади.

Бўлажак олий даражадаги учрашувда Саудия Арабистони Подшоҳлиги, Бахрайн Подшоҳлиги, Қатар Давлати, Кувайт Давлати, Бирлашган Араб Амирликлари, Умон Султонлиги, Қозғистон Республикаси, Қирғиз Республикаси, Тожикистон Республикаси ва Туркменистон раҳбарлари ҳамда кенгашнинг бош котиби иштирок этиши кўзда тутилган.

Кун тартибига мувофиқ, сиёсий, савдо-иқтисодий, инвестициявий ва маданий-гуманитар соҳаларда минтақаларо ҳамкорликни ривожлантириш масалалари кўриб чиқилади. Халқаро ва минтақавий сиёсатнинг долзарб жиҳатлари юзасидан фикр алмашилади.

Саммит доирасида қатор икки томонлама учрашувлар ўтказилиши режалаштирилган.

ЎзА

## “МАРКАЗИЙ ОСИЁ — КЎРФАЗ АРАБ ДАВЛАТЛАРИ ҲАМКОРЛИК КЕНГАШИ” ФОРМАТИ

### ЗАМОНАВИЙ ШАРОИТДА МИНТАҚАЛАРАРО ҲАМКОРЛИКНИНГ ИСТИҚБОЛЛИ ЙЎНАЛИШИ

Ўзбекистон Республикаси Президенти Шавкат Мирзиёев “Марказий Осиё — Кўрфаз араб давлатлари ҳамкорлик кенгаши” форматидаги биринчи саммитда иштирок этиш учун жорий йил 18-19 июль кунлари Жидда шаҳрида бўлади.

1981 йил 25 майда ташкил этилган Кўрфаз Араб давлатлари ҳамкорлик кенгаши минтақавий ташкилотига Саудия Арабистони, Бирлашган Араб Амирликлари, Кувайт, Қатар, Умон ва Бахрайн қиради. Ушбу давлатлар углеводородлар етказиб берувчи етакчи минтақа ва нуфузли жаҳон молия маркази ҳисобланади.

Ташкилотнинг асосий мақсади сиёсий, савдо-иқтисодий, сармоявий, маданий-гуманитар соҳалардаги ҳамкорлик ва интеграция жараёнларини мувофиқлаштириш, яъни иқтисодий ва молиявий масалалар, таълим ва маданият, ижтимоий, соғлиқни сақлаш, оммавий ахборот воситалари ва туризм, қонунчилик ва бошқарув муаммолари каби соҳаларни тартибга солишдан иборат. Кенгаш, шунингдек, саноат, қишлоқ хўжалиги ва сув ресурсларини муҳофаза қилиш соҳаларида илмий ва технологик тараққиётни рағбатлантиради.

Қўшма иқтисодий келишув шартларига кўра, олти давлат ўртасида тариф тўсиқлари бекор қилинган. Улар ўзаро келишувга мувофиқ,

исталган давлатда тенг шартлар асосида ишлаб чиқариш корхоналари очиб ва шартномалар тузиш ҳуқуқига эга.

Ташкилотнинг асосий органлари — ҳар йили йиғиладиган Давлат раҳбарларининг Олий кенгаши ва ҳар уч ойда бир марта ўтказиладиган Ташқи ишлар вазири кенгаши ҳисобланади.

Кенгаш Бош котибиятининг штаб-квартираси Саудия Арабистони пойтахти — Ар-Риёзда жойлашган.

Дунёда юзага келаётган мураккаб вазият, глобал сиёсий, ҳарбий, иқтисодий ва молиявий муаммолар ва таҳдидлар ҳамда уларнинг фониде Марказий Осиёнинг хавфсизлиги ва иқтисодий ривожланишини таъминлаш масалалари ҳамкорлик географиясини янада диверсификация қилиш, шу жумладан, араб дунёси мамлакатлари билан алоқаларни кенгайтириш, шунингдек, минтақаларо ўзаро боғлиқликни ривожлантириш ва мустақамлашни тақозо этмоқда.

Давоми 2-бетда

## БУЮК ЎЗБЕК ЙЎЛИ

# ИСЛОҲОТЛАР РУҲИ ВА ШУКУҲИ

## ЖАМИЯТИМИЗНИНГ ЯНГИ ҚИЁФАСИ УЧУН АСОС БЎЛМОҚДА

(Президент Шавкат Мирзиёевнинг лавозимга киришиш тантанали маросимидаги нутқидан кейинги ўйлар)

Жорий йил 14 июль янги Ўзбекистон тарихида яна бир муҳим кун сифатида қолди. Шу кунни кўпмиллатли халқимиз қатъий сиёсий иродаси билан сайлаган Президентимиз Шавкат Мирзиёев Олий Мажлис палаталари қўшма мажлисида нутқ сўзлаб, яқин истиқболдаги тараққиёт йўлимизнинг бош мақсадларини белгилаб берди.



“Ўзини ўзгартира олган халқ, ҳеч шубҳасиз, ҳаётни ҳам, ижтимоий муҳитни ҳам ўзгартира олади, ўз мурод-мақсадларига албатта етади”, деди давлатимиз раҳбари.

Дарҳақиқат, биз янги Ўзбекистонни куриш йўлидаги яқин тарихимизда ўзгаришлар қудратини яқин англаб етмоқдамиз. Ўз навбатида, шуни таъкидлаш жоизки, ҳар бир ишнинг бошланиш папаси ва ташаббускори бўлади. Агар суд органлари

тизимида одил судловни таъминлаш борасидаги ишларнинг бугунги қиёфаси қандай шакллади, ўзгаришлар қачон бошланди, деган савол берилса, жавобимиз тайёр.

2017 йил 13 июнь. Шу кунни Президентимиз Шавкат Мирзиёев Тошкент шаҳрида суд органлари тизимида одил судловни таъминлаш борасидаги ишларнинг аҳоли, муаммолар ва истиқболдаги вазифаларга бағишланган видеоселектор йиғилишини ўтказди.

Ўша йиғилишда давлатимиз раҳбари суд ҳокимияти мустақиллигини амалда таъминлаш, уни жазоловчи органдан инсон ҳуқуқ ва эркинликларини ишончли ҳимоя қиладиган, жамиятдаги демократик ўзгаришларнинг муҳим воситаси бўлган институтга айлантиришга қаратилган қатор тарихий ташаббусларни илгари сурди.

Биз бу учрашувни нима учун тарихий, даямиз. Боиси, мен 57 йилдирки, шу

соҳада меҳнат қилиб келяпман, лекин бирор марта давлат раҳбари ва судьялар ўртасидаги бундай очик, самимий мулоқотни кўрмадим. Энг муҳими, шу учрашувда давлат раҳбари илгари сурган халқпарвар ташаббуслар суд ҳокимияти тизимида мутлақо янги даврни бошлаб берди.

Давоми 3-бетда

## ХОРИЖДАГИ ВАТАНДОШ

# Олисларда ҳам ОНА ЮРТ БИЛАН БИРГАМИЗ

Ватан туйғуси нима? Бу саволга ҳар ким турлича жавоб беради. Аммо чинакам Ватан туйғусини юртдан олисда яшаб, бошқа давлатларда ўқиётган ёки ризқини териб юрган инсоннинг кўзларида кўраман, десам ишонаверинг.

Давоми 5-бетда

## ДИЛ ИЗҲОРИ



“Халқимизнинг онги, дунёқарашни ўзгаргани, унинг қалбида ўзига, эртанги кунга ишонч пайдо бўлгани — бу бизнинг энг катта ютуғимиз.

Ўзини ўзгартира олган халқ, ҳеч шубҳасиз, ҳаётни ҳам, ижтимоий муҳитни ҳам ўзгартира олади, ўз мурод-мақсадларига албатта етади...

Ишончим комил, барчамиз биргалиқда янги Ўзбекистонни — инсон қадрни устувор бўлган жамият ва халқпарвар давлатни албатта қураимиз!”

# ХАЛҚИМ ДЕГАН ИНСОННИ ЭЛ-ЮРТ ДОИМ ҚўЛЛАЙДИ

Давлатимиз раҳбарининг шу йил 14 июль куни ўз лавозимига янгидан киришиш тантанали маросимидаги нутқидаги бу каби фикрлар, хулосалар, даъватларнинг барчаси чуқур ҳаётий асосларга эга. “Утган беш-олти йилда ҳаётимизда нима ўз-

гарди?” деган саволга бугун минглаб қишлоқ-маҳаллалар қиёфасидаги янгиланишлар, ўз ҳаётидан рози бўлиб яшаётган инсонлар турмушидаги ижобий ўзгаришлар мисолида етарлича жавоб айтиш мумкин.

Давоми 2-бетда

## ТАШАББУСЛИ БЮДЖЕТ

# ҒОЛИБ БЎЛИШ УЧУН 1,5 МИНГ ОВОЗ ЕТАРЛИ БЎЛАДИ



Иқтисодиёт ва молия вазирлиги томонидан 17 июль куни “Ташаббусли бюджет” жараёнининг жорий йилги иккинчи мавсумига старт берилди. Унинг биринчи босқичида — 17 июлдан 6 августгача фуқаролар томонидан илгари сурилган лойиҳалар шакллантирилади, иккинчи босқичида — 6 августдан 26 августгача бу таклифлар махсус комиссия томонидан саралаб олинади ва 26 августдан 15 сентябргача лойиҳаларга овоз бериш жараёни — учинчи босқич ўтказилади.

Мазкур жараён якунларига кўра, ҳар бир ҳудудда энг кўп овоз тўплаган лойиҳалар ғолиб топилди ва улар берилган овозлар сонидан келиб чиқиб, юқоридан пастга қараб сараланади ҳамда молиялаштирилади.

Дастлабки ҳисоб-китобларга кўра, иккинчи мавсум учун туман (шаҳар) бюджетлари ҳисобидан 1 триллион сўмдан ортиқ маблағ йўналтирилиши ва улар мавсум якунига қадар ортиб бориши кутилмоқда.

Давоми 4-бетда





www.yuz.uz

yuz.uznews

yuz\_official

yuz.uz\_news

## ТАШАББУСЛИ БЮДЖЕТ



# ҒОЛИБ БЎЛИШ УЧУН 1,5 МИНГ ОВОЗ ЕТАРЛИ БЎЛАДИ

**Абдурауф ҚОРЖОВОВ,**  
Иқтисодий шарҳловчи

Бу йилги овоз бериш жараёнида 8 миллион 93 минг 918 фуқаро иштирок этди. Унинг натижаларига кўра, 517 лойиҳа ғолиб топилди. Уларни молиялаштиришга 412 миллиард сўмдан ортиқ маблағ йўналтирилади.



8 триллион сўм йўналтирилиши кўзда тутилган. Шундан 2 триллион сўм "Ташаббусли бюджет" жараёнлари учун туман ва шаҳар бюджетларидан ажратилиши, 4 триллион сўм "Обод қишлоқ" ва "Обод маҳалла" дастурлари доирасида жамоатчилик фикри асосида шакллантирилиши мўлжалланган.

Одамларни қийнаб келаётган муаммоларни ҳал этиш мақсадида 2023 йилдан бошлаб Қорақалпоғистон Республикаси, вилоятлар ва Тошкент шаҳри бюджетни қўшимча маблағларнинг 30 фоизи ҳам фуқаролар фикри асосида йўналтириладиган бўлди. Бунгача бундай талаб фақат туман-шаҳарлар бюджетига тааллуқли эди. Энди маҳаллий бюджетлар томонидан ажратилган қўшимча маблағ сонида 1,7 триллион сўм Фуқаролар ташаббуси жамғармаларига ўтказилади.

Ўтказиб берилади. Ҳар йил яқунлари бўйича жамоатчилик фикри асосида лойиҳаларни шакллантириш билан боғлиқ жараёнда фаол иштирок этган фуқаролар рағбатлантириб борилади.

Вазирлар Маҳкамасининг 2022 йил 2 февралдаги "Автомобиль йўллари соҳасида очиқлик стандартларини жорий этиш ва соҳада жамоатчилик назоратини кучайтириш чора-тадбирлари тўғрисида"ги қарори билан "Менинг йўлим" лойиҳасини молиялаштиришнинг аниқ тизими жорий этилди. Унга асосан, 2022 йилдан бошлаб туман ва шаҳарлар бюджетни параметрларида худудий ички йўллари таъмирлаш учун ажратилган маблағларнинг 50 фоизи "Очиқ бюджет" ахборот портали орқали жамоатчилик фикри асосида аниқланган лойиҳаларни таъмирлашга йўналтирилиши қатъий белгиланган бўлади. Бу жараён бир йилда бир марта тақазиланади.

— Мазкур жараёнда ахборот порталига ички йўллarning жойлашган манзили (геопозицияси), түлүк номлари, узунлиги, ҳолати (асфальтланган, таъмирланган) ва бошқа маълумотлари түлүк киритилади, — дейди Азим Ҳасанов. — Портал автоматик равишда таъмирлашга доир ўртача нарҳни ва туман (шаҳар) бюджетни параметрларидан келиб чиқиб, ҳар бир худуддаги таъмирланадиган ички йўллarning умумий ҳажмини аниқлайди. Уларни таъмирлашга доир тақлифлар киритиш фуқаролар томонидан ахборот порталида тақдим этилган йўллardan бирини танлаш орқали амалга оширилади. Ҳар бир фуқаро ички йўллари таъмирлашга фақат битта тақлифни илгари суриши ва битта тақлифга овоз бериши мумкин.

Жорий йил 7 май куни "Менинг йўлим" лойиҳасининг 2023 йилги мавсумида овоз бериш жараёни якунига етди. Ушбу мавсум учун 10 минг 317 та ташаббусли тақлиф келиб тушди. Утган йили худди шу жараёнда 9 минг 212 лойиҳа илгари сурилган эди.

Бу йилги овоз бериш жараёнида 8 миллион 93 минг 918 фуқаро иштирок этди. Унинг натижаларига кўра, 517 лойиҳа ғолиб топилди. Уларни молиялаштиришга 412 миллиард сўмдан ортиқ маблағ йўналтирилади.

Амалдаги низомга мувофиқ, ғолиб деб топилган лойиҳалар бўйича лойиҳа-смета ҳужжатлари ушбу тақлифларни илгари сурган фуқаролар жалб қилинган ҳолда ишлаб чиқилади. Уларни амалга ошириш бўйича ички йўллари лойиҳалаштириш, таъмирлашда туман (шаҳар) ободоналаштириш бошқармалари буюртмачи вазифасини бажаради.

Йўл куриш ва унинг ободлигини таъминлаш савоби иш. Чунки бу вазифа инсон қадри, эл розилиги билан чамбарчас боғлиқ. Шу боис, жойларда ички йўллари таъмирлаш бўйича мавжуд муаммолар айнан фуқароларнинг талаб ҳамда тақлифлари асосида ҳал этилиши уларнинг сифатли ва равон, манзилларнинг яқин бўлишига хизмат қилади.

Сўнгги уч йилда "Ташаббусли бюджет" лойиҳаси доирасида 9 минг 500 маҳаллага 57 триллион сўм ажратилди. Бу маблағ ҳисобига 3 минг 500 маҳаллада ички йўллар, яна шунчасида боғча, мактаб ва шифохона таъмирланди. 1 минг 19 маҳаллада ичимлик ва оқова сув таъминоти яхшиланиб, 452 таси замонавий қиёфага келтирилди.

Иқтисодиёт ва молия вазирлиги департамент директори Шерзод Муҳаммедовнинг қайд этишича, бу йил маҳаллаларга ажратилган маблағ кўламини 25 триллион сўмга етказилиши, "Ташаббусли бюджет" дастури доирасида ўтган йилдагига қараганда бюджетдан 3,5 баробар кўп — жами

соғлиқни сақлаш, спорт муассасаларини таъмирлаш ва моддий-техник базасини мустаҳкамлаш ҳамда бошқа йўналишлар бўйича ҳар бири 1,5 мингдан ортиқ овоз тўплаган, лекин ғолиб бўлмаган лойиҳалар таҳлили ўтказилиб, 2024 йил учун бюджет сўровида уларни таъмирлаш, жиҳозлаш ва харид қилиш

топшириқ бериши таққиланган. Мажбурий овоз йиғишга мажбурлаш тегишли ташкилот ходимларини мажбурий меҳнатга жалб қилиш сифатида таснифланади.

Бошланиши 1-бетда

## ОДАМЛАРНИ УЙҒОТГАН ВА БИРЛАШТИРГАН ЛОЙИҲА

Давлатимиз раҳбари шу йил 12 июнь куни Президентликка номзод сифатида Нукус шаҳрида ўтказган сайловолди учрашувида маҳаллалар учун "Очиқ бюджет" имкониятлари янада кенгайтирилиши ва унга ажратиладиган маблағ уч қарра оширилишини билдирар экан, энди "Очиқ бюджет" лойиҳалари ғолиби бўлиши учун 1,5 минг овоз етарли бўлиши ва ушбу мақсадлар учун йил якунига қадар яна 1,2 триллион сўм ажратилишини маълум қилди.

Бу жараёнлар 2019 йилдан буён Иқтисодиёт ва молия вазирлигининг "Очиқ бюджет" порталидаги "Ташаббусли бюджет" бўлими орқали амалга ошириб келинапти. Ушбу электрон тизим ёрдамида фуқаролар маҳаллаларда инфратузилмани яхшилаш, хибонлар, болалар ва спорт майдончалари, ички йўллари куриш, уларнинг ёритилишини таъминлаш, боғча, мактаблар куриш, таъмирлаш ва жиҳозлаш каби масалалар бўйича лойиҳаларни тақлиф этиб, овоз бериш йўли билан маҳаллий бюджетнинг тақсимида иштирок этиши учун имконият яратилган.

Шу уринда бир таққос: мамлакатимиз аҳолиси 36 миллиондан ортиқ бўлса, уларнинг 20 миллиондан зиёди овоз бериш ҳуқуқига эга. Иқтисодиёт ва молия вазирлиги маълумотида кўра, "Ташаббусли бюджет"нинг жорий йил биринчи мавсумида 16 миллион 129 минг 764 фуқаро овоз беришда қатнашган. Бу юртимиз аҳолисининг қарийб 45 фоизидир.

Агар 2021 йилда ўтказилган овоз бериш жараёнида 1,1 миллион фуқаро қатнашган бўлса, 2022 йилнинг дастлабки мавсумида улар сони 6,7 миллиондан зиёдрақ бўлган эди. Демак, жорий йилнинг мос даврида иштирокчилар сони қарийб 9,3 миллионга ошган. Бу аҳолининг "Ташаббусли бюджет"дан жой олган лойиҳаларга дахлдорлиги, жараённинг ҳоли ва ошқора ўтиши, ғолиб тақлифлар қисқа муддатда амалга оширишга бўлган катта ишончининг яққол намоёнидир.

Тахлилчилар фикрича, сўнгги 30 йилда мамлакатимизда аҳолини бунчалек даражада қамраб олган ижтимоий воқеялик кузатилмаган.

"Очиқ бюджет"нинг 2023 йилги биринчи мавсумида 55 минг 970 та тақлиф илгари сурилган. Уларнинг 33 минг 680 таси худудий ички комиссиялар томонидан саралаб олиниб, овоз бериш босқичига ўтказилди. Энг кўп овоз олган 1 минг 666 лойиҳа ғолиб топилди.

Давлатимиз раҳбарининг шу йил 10 апрелдаги "Ташаббусли бюджет"лаштириш амалиётини янада такомиллаштириш ҳамда фаол маҳаллаларни қўллаб-қувватлаш чора-тадбирлари тўғрисида"ги қароридан тизимга оид қатор вазифа ва қоидалар белгиланди, — дейди Иқтисодиёт ва молия вазирлиги бўлим бошлиғи Азим Ҳасанов. — Жумладан, 2 мингдан ортиқ овоз тўплаган, лекин ғолиб бўлмаган 1 минг 309 лойиҳа учун ҳам қўшимча равишда 1,3 триллион сўм ажратилади. Бу 4 миллиондан ортиқ аҳоли кўтарган масала ечимини топди, дегани. Шундай қилиб, ғолиб лойиҳаларга бюджет маблағлари ҳисобидан жами 2,9 триллион сўм йўналтириладиган бўлди.

2023 йил биринчи мавсумда ғолиб топилган 2 минг 975 лойиҳанинг ўз вақтида ва сифатли амалга оширилиши қатъий назоратга олинган. Бунда жиҳозлаш бўйича лойиҳаларни амалга ошириш сўнгги муддати этиб жорий йилнинг июль, қурилиш ва таъмирлаш ишлари бўйича лойиҳаларни бажаришнинг сўнгги муддати этиб август ойи белгиланган.

Ташаббусли бюджетлаштириш жараёни доирасида бюджет ташкилотлари раҳбар ходимлари томонидан мажбурий овоз йиғиш бўйича ходимларга



УШБУ МАТЕРИАЛНИ ЛОТИН ЁЗУВИГА АСОСЛАНГАН ЎЗБЕК АЛИФОСИДА УҚИШ УЧУН МАЗКУР QR-КОДНИ СКАНЕР ҚИЛИНГ.

**Жорий йил 7 май куни "Менинг йўлим" лойиҳасининг 2023 йилги мавсумида овоз бериш жараёни якунига етди. Ушбу мавсум учун 10 минг 317 та ташаббусли тақлиф келиб тушди. Ўтган йили худди шу жараёнда 9 минг 212 лойиҳа илгари сурилган эди.**

Макроиқтисодий ва худудий тадқиқотлар институтидан маълум қилишларича, ғолиб лойиҳаларнинг асосий қисмини умумтаълим мактаблари, ички йўллари, соғлиқни сақлаш ва мактабга-ча таълим ташкилотларини таъмирлашга оид тақлифлар ташкил этди. Жумладан:

- умумтаълим мактаблари — 1 минг 335 та ёки 44,5 фоиз;
- ички йўллари — 629 та ёки 20,9 фоиз;
- соғлиқни сақлаш муассасалари — 370 та ёки 12,3 фоиз;
- мактабга-ча таълим ташкилотлари — 176 та ёки 5,8 фоиз.

Яна бир эътиборли жиҳати, таълим,

### "ОБОД ҚИШЛОҚ", "ОБОД МАҲАЛЛА" ВА "МЕНИНГ ЙЎЛИМ" ЛОЙИҲАЛАРИ

Президентимизнинг ўтган йил 25 октябрдаги "Жамоатчилик фикри асосида шакллантириладиган лойиҳаларни





